

Projekat CEB II – “Zatvaranje kolektivnih centara i alternativnih smještaja pružanjem javnih stambenih rješenja - LD 1789 (2013)” koje implementira PIU FBiH

Broj: 04-36-1-2053-1948/13

Datum: 14.06.2022. godine

Na osnovu člana 70. stav (1) i (4) Zakona o javnim nabavkama („Službeni glasnik BiH” broj: 39/14), a na preporuku Komisije za javnu nabavku, imenovane Rješenjem broj: 04-36-1-2053-1902-1/13 od 07.03.2022. godine, Federalni ministar raseljenih osoba i izbjeglica *d o n o s i*:

**ODLUKU
O PONIŠTENJU POSTUPKA JAVNE NABAVKE-LOT 2**

I

Poništava se postupak javne nabavke za izvođenje građevinskih radova na izgradnji stambenog objekta u općini Banovići, u okviru Projekta CEB II “Zatvaranje kolektivnih centara i alternativnih smještaja putem javnih stambenih rješenja LD (2013)” - Pod-projekat 041 CON, na osnovu člana 69. stav (2) tačka d) Zakona o javnim nabavkama („Službeni glasnik BiH” broj: 39/14).

II

Odluka stupa na snagu danom donošenja i objavit će se na web-stranici Ugovornog organa (www.fmroi.gov.ba), istovremeno s upućivanjem iste ponudačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH” broj: 39/14).

O b r a z l o ž e n j e

Postupak nabavke pokrenut je Odlukom o pokretanju postupka javne nabavke broj: 04-36-1-2053-1902/13 od 07.03.2022. godine. Javna nabavka provedena je putem otvorenog postupka. Procijenjena vrijednost nabavke za LOT-2 iznosila je 1.173.000,00 KM bez PDV-a i planirana je u Planu javnih nabavki za 2022. godinu, za projekat CEB II-“Zatvaranje kolektivnih centara i alternativnih smještaja putem javnih stambenih rješenja- LD (2013)” pod rednim brojem 03/22-CEB II, Pod-projekat 041 CON, a koji je objavljen na web stranici Ugovornog organa (www.fmroi.gov.ba) u skladu sa članom 17. Zakona o javnim nabavkama („Službeni glasnik BiH” broj: 39/14).

Obavještenje o nabavci broj: 668-1-3-10-3-28/22 od 07.03.2022. godine je objavljeno na Portalu javnih nabavki (www.ejn.gov.ba.) Sažetak obavještenja objavljen u Službenom glasniku BiH broj: 13, strana 23 od 11.03.2022. godine.

Komisija za javnu nabavku imenovana je Rješenjem Ugovornog organa broj: 04-36-1-2053-1902-1/13 od 07.03.2022. Komisija za javnu nabavku dostavila je Zapisnik o pregledu i ocjeni ponuda broj: 04-36-1-2053-1923/13 od 27.04.2022.godine odgovornoj osobi Ugovornog organa, kao i Preporuku o poništenju postupka javne nabavke broj: 04-36-1-2053-1924/13 od 27.04.2022.godine.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik, u kojem je utvrđeno slijedeće:

- U tabeli br.1, u skladu sa provedenim postupkom iz člana 1. ove Odluke, svoju ponudu dostavio je slijedeći ponuđač:

RB	Broj protokola	Naziv i sjedište ponuđača	Ukupna cijena ponude u KM (bez PDV-a)	Popust na cijenu ponude u KM (bez PDV-a)	Ukupna cijena ponude sa popustom u KM (bez PDV-a)
2.	04-36-1-2053-1917/13	Grupa ponuđača: GPP Banovići d.o.o. Banovići i Tehnograd d.o.o. Tuzla	1.601.702,73 KM	-	1.601.702,73 KM

Konstatovano je:

- da je ukupno dostavljena 1 (jedna) ponuda,
- da je blagovremeno zaprimljena 1 (jedna) ponuda,
- da nije bilo neblagovremeno zaprimljenih ponuda,
- da dostavljena ponuda u postupku nabavke ispunjava formalno - pravne uslove u skladu sa Zakonom o javnim nabavkama i odredbama tenderske dokumentacije Ugovornog organa.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjele ponude u skladu sa Zakonom o javnim nabavkama („Službeni glasnik BiH” broj:39/14) i kriterijima iz tenderske dokumentacije.

Svi članovi Komisije sa pravom glasa koristili su tabelu za tehničku evaluaciju, kako bi procijenili ispunjenost tehničkih uslova propisanih tenderskom dokumentacijom u okviru ponuda koje ispunjavaju formalne uslove.

U procesu tehničke evaluacije ponuda, a na osnovu uslova i zahtjeva iz tenderske dokumentacije vezanih za oblik, sadržaj i potpunost ponude, ustanovljeno je da ponuda ponuđača Grupa ponuđača: GPP Banovići doo Banovići i Tehnograd doo Tuzla ne ispunjava tehničke uslove date u tenderskoj dokumentaciji, te ista nije bila predmet dalje analize i vrednovanja iz razloga kako slijedi:

Tačkom 10.2.1 podtačka d) tenderske dokumentacije (Sadržaj ponude) propisano je da ponuda treba sadržavati:

„Obrazac za cijenu ponude, sačinjen i popunjen u skladu sa formom koja je data u Aneksu 3 tenderske dokumentacije, ovjeren i potpisan od strane Ponuđača“.

Uvidom u ponudu predmetnog ponuđača, Komisija je konstatovala da je ponuđač dostavio Obrazac za cijenu ponude, ali da isti nije ovjeren od strane ponuđača, iz čega se da zaključiti da dostavljeni Obrazac za cijenu ponude nije sačinjen u skladu sa uputstvom iz tačke 10.2.1. podtačka d) TD.

Nadalje, predmetni ponuđač nije kvalifikovan i iz razloga jer nije ispunio uslove iz tačke 9.4.2 podtačka a) TD kojom je traženo sljedeće:

“Spisak izvršenih ugovora uz potvrdu o njihovoj realizaciji koju daje druga ugovorna strana.

(..)

Potvrda o uredno izvršenim ugovorima (u skladu sa zahtjevima člana 48. stav 3) ZJN) mora sadržavati sljedeće podatke:

- a) Naziv i sjedište ugovornih strana ili privrednih subjekata;
- b) Predmet ugovora;
- c) Vrijednost ugovora;
- d) Vrijeme i mjesto izvršenja ugovora;
- e) Navode o uredno izvršenim ugovorima.

Potvrda o uredno izvršenim ugovorima mora biti izdata na memorandumu pravnog lica za koje je ugovor izvršen i mora sadržavati datum i broj protokola, kao i potpis i pečat”

Uvidom u predmetnu ponudu utvrđeno je da je ponuđač u cilju dokazivanja uslova iz navedene tačke tenderske dokumentacije dostavio potvrde o uredno izvršenim ugovorima izdate od strane Općine Banovići - Službe za prostorno uređenje, planiranje, razvoj i poduzetništvo kako slijedi:

- Potvrdu broj: 06-23-1297/19 od 19.09.2019.godine u kojoj je navedeno da je GPP Banovići d.o.o. Banovići, kao investitor i izvođač, u potpunosti izvršio realizaciju projekta tj. izgradnju Stambeno-poslovnog objekta kolektivnog stanovanja-Lamela E (...),
- Povrdu broj: 05-19-1291/21 od 16.08.2021. godine u kojoj je navedeno da je GPP Banovići d.o.o. Banovići, kao investitor i izvođač, u potpunosti izvršio izgradnju Stambeno-poslovnog objekta kolektivnog stanovanja-Lamela B1 (...),

Dakle, ugovorni organ je u tenderskoj dokumentaciji tražio od ponuđača da uz ponudu dostave potvrde o uredno izvršenim ugovorima druge ugovorne strane o njihovoj realizaciji, u kojoj se jasno mora navesti naziv predmetne nabavke, naziv i sjedište pravnog lica za koje je ugovor izvršen i naziv privrednog subjekta koji je izvršio ugovor, odnosno naziv i sjedište ugovornih strana. Slijedom navedenog, jasno proizilazi da dostavljene potvrde o uredno izvršenim ugovorima ne mogu biti prihvaćene kao validan dokaz ispunjenosti uslova iz tačke 9.4.2 podtačka a) TD, iz razloga što je u istim decidno navedeno da je pravno lice „GPP BANOVIĆI“ doo Banovići ujedno investitor i izvođač radova, odnosno, da ne postoji druga

ugovorna strana. Općina Banovići, koja je u konkretnom slučaju izdala potvrde o uredno izvršenim ugovorima, nije druga ugovorna strana već treće i neovisno pravno lice.

Također, Komisija je prilikom evaluacije utvrdila da ponuđač nije ispunio uslove iz tačke 10.2.1. podtačka p) TD kojom je propisano sljedeće:

„Potpisan i ovjeren nacrt ugovora (Aneks 13)”

Uvidom u ponudu predmetnog ponuđača, konstatovano je da je isti dostavio Nacrt ugovora (Aneks 13) koji nije ovjeren, odnosno, da isti nije sačinjen u skladu sa uputstvom iz tačke 10.2.1. podtačka p) TD.

Nadalje, utvrđeno je da ponuđač nije ispunio uslove iz tačke 10.2.1. podtačka q) TD kojom je propisano sljedeće:

„Izjava o integritetu – potpisana i ovjerena od strane ponuđača (Aneks 15)”

Uvidom u ponudu predmetnog ponuđača, konstatovano je da je isti dostavio Izjavu o integritetu (Aneks 15) koja nije ovjerena, odnosno, da ista nije sačinjena u skladu sa uputstvom iz tačke 10.2.1. podtačka q) TD.

Ponuda ponuđača Grupa ponuđača: GPP Banovići d.o.o. Banovići –Tehnograd d.o.o. Tuzla se odbacuje na osnovu člana 68. stav (1) Zakona o javnim nabavkama (Sl. Glasnik BiH broj: 39/14), iz razloga jer navedeni ponuđač nije ispunio uslove iz člana 51. Zakona o javnim nabavkama („Službeni glasnik BiH“, broj 39/14), odnosno uslove iz tačke 9.4.2 podtačka a), te uslove iz tački 10.2.1 podtačke d), p) i q) tenderske dokumentacije.

Nakon tehničke evaluacije ponuda komisija je konstatovala da za Lot-2 nije dostavljena nijedna prihvatljiva ponuda koja ispunjava sve zahtjeve u pogledu opisa predmeta nabavke i tehničkih specifikacija, te da je nastupio slučaj iz člana 69. stav 2. tačka d) Zakona o javnim nabavkama („Službeni glasnik BiH“, broj 39/14) za predmetni postupak.

Imajući u vidu navedeno, Komisija je jednoglasno dala preporuku ovlaštenoj osobi Ugovornog organa da donese Odluku o poništenju postupka javne nabavke za LOT-2, a sve u skladu sa članom 69. stav 2. tačka d) Zakona o javnim nabavkama („Službeni glasnik BiH“, broj 39/14).

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama („Službeni glasnik BiH“ broj:39/14) podzakonskim i internim aktima i tenderskom dokumentacijom.

Uzimajući u obzir naprijed navedeno, primjenom člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“ broj: 39/14), odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

MINISTAR

dr.sci. Edin Ramić

Dostaviti:

- Svim učesnicima u postupku
- Web stranica Ministarstva
- Radna grupa za javne nabavke Projekta CEB II
- a/a